

**Zeitschrift:** Schwyzerlüt : Zyschrif für üsi schwyzerische Mundarte  
**Band:** 7 (1944-1945)  
**Heft:** 1-3

**Artikel:** Wie der G'meind-Amme vo Mostlinge sy Ehr g'wahrt hät  
**Autor:** Lang-Studer, Ludwig Emil  
**DOI:** <https://doi.org/10.5169/seals-180632>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 05.08.2025

**ETH-Bibliothek Zürich, E-Periodica, <https://www.e-periodica.ch>**

sind do zwa gsundi, munteri Gizli uf d'Welt cho. D'Frau hät gschwind 's Nötigst bsorget ond ist do in Chirchtorn ufe ond hät us Lybeschrefte agfange lüte.

Dasmol hät me's ghört! Ond so wit me's ghört hät, hät me gloset ond glueget ond gfroget, was au los sei. Wo die guet Frau hei will, stoht de Pfarer usem Weg ond rüeft ere: „Mesmeri, säged mer emol, was hand er au glütte?“

„Jä wüsset Si, Herr Pfarer,“ seit si, „d'Gaaß hät grad vorig gizlet, ond de Ma hät gsaat, i soll Acht geh ond nachher 's Lüte nöd vergesse.“

Ulrich Roschach.

Us: O. Sutermeister, Schwizer-Dütsch, Heft 33.  
Verlag Orell-Füssli, Zürich.

## Wie der G'meind-Amme vo Mostlinge sy Ehr g'wahrt hät.

A Suser-Stückli.

**Stell B.**, Pseud. für Ludwig Emil Lang-Studer, geb. 1843 zu Triest, wohnte um 1896 in Konstanz. — Mundartwerke: Lustigi Thurgauer Gschichte, Reclam 2490, Leipzig 1888.

D'Gmeind Mostlinge hät en guete, tüchtige G'meind-Amma g'ha, mit dem si wol hät chönne z'friede sy. Er hät Ornig g'halte, hät d'Lüt behandlet, wie's der Bruuch ist und was er vor'g'schlage hät, das hät Händ und Fueß gha.

Leider Gottes ist er vo'nere böse Kranket ploget gsy, vome Familienübel, das er vo sym Großpapa und Papa selig g'erbt hät: er hät d'Lebere uf der Sonnesytle g'ha! Die Patiente, wo a dem Übel lydet, händ immer schüly Durst, und mond oft meh trinke, als ehne lieb ist, bloß vor 'em Wasser mond si si sehr in Acht neh!

E bösi Kranket, und no derzue asteckend, denn ma findet si vilfach i der Schwiz!

So hät's denn gär nöd anderst chönne cho; am Obed, nach schwere und astrengende Amtsg'schäft ist ehm als der Spruch ygfalle:

Doch dem Edlen ist's zu gonnen,  
Wenn des Abends sinkt die Sonnen,  
Daß er in sich geht und denkt:  
Wo man einen Guten schenkt!

Do hät er aber denn nöd lang nohg'studiert; er ist gradewegs i's „Rößli“ g'stampfet.

Z'Mostlinge hät's keini Rebe; wer aber der Meinig wär, daß dört kein Wy trunke würd, der thät si bös trüge; zu wa hät ma

denn Ysebahne und dere schöni Yrichtige. So hät denn au das Johr der Rößliwirt en usgezeichnete Walliser Suser übercho, vo dem hät ma säge chönne: Besser wur nünt nütze!

Myne liebe Leser wörred wohl wüsse, daß im Früelig, i der Zyt vom Rebebluest, der Wy im Faß ine si wieder mächtig rodet, wie au der Dichter seit:

Wenn die Reben wieder blühen,  
Reget sich der Wein im Fasse —

's ist grad, als ob er wieder use möcht, zum schöne goldne Sonneliecht!

Grad e so e kuriosi Eigentümlichkeit existiert zwüsche dene sonnesytige Lebere und em Suser. I dere Zyt chonnt die Kranket uf de höchst Grad, und ma mueß wirkli oft Verbärmst ha mit dene arme Lüte, wenn ma zuelueget, wie vil si mond trinke.

Woher das chonnt, loht si nöd säge; d'menschlich Natur hät no vil G'heimnis, die üs verschlosse blybed. I chenne a paar Dökter, wo au a dere Kranket lyded und scho ganzi Nächte pröblett und untersuecht händ, um de Grund z'finde; 's ist ehne nöd g'rote!

So ist's au üsem guete Amma g'gange. Z'erst hät er bloß us fründ-eidgenosseschaftlecher Ahänglichkeit vo dem Walliser trinke welle; wie aber d'Lebere de Suser g'merk't hät, do fangt si a suse (gähren) und do ist's us und vorby gsy. Si hät ehm kei Stund Rueh meh g'loh, in eim furt hät er müeße zum Rößliwirt laufe, und so z'wider ehm au die Medizin gsy ist, er hät müeße trinke, um das Brenne und die Hitz vo der Lebere z'lindere.

So e Kur mueß de stärkst Ma agryfe, und so ist's g'schehe, daß ma-n-eh ame schöne Morge ufeme Misthuufe g'funde hät.

's thuet mer leid, daß i so a wüests Wort schrybe mueß; i ha z'erst wella säge ufeme Hufe Buurelist, will es Sprüchwort seit: Mist ist des Bauern List; aber's wär doch nöd so dütch gsy.

Die Lüt vo der G'meind händ a rechts Beduure g'ha mit dem arme Ma; a paar fryli — jede Mensch hät syni Fynd — händ allerlei dumm's Züg g'schwätz, vo dem mer do nünt säge wend!

Am nöchste Sonntag ist G'meind gsy; es hät si drum g'handlet, ob ma de Chilethurm soll neu astryche oder nöd. Der Herr Pfarrer ist persé dafür gsy, der Amme ebefalls und no einigi vo der G'meind, z. B. der Moler; aber die andere händ d'Chöste gfürcht, und so hät's halt i der Versammlig große Lärme g'geh, und z'letscht ist eine noh so uverschannt, und halt em G'meind-

Amme vor, ob er nümme wüssi, wo ma-n-eh am säbe Morge  
gfunde hei!

Do hättid ehr aber de G'meind-Amma sehi sölle, wie der  
ufg'stande ist i syner ganze Größi und agfange hät mit syner  
g'waltige Stimm:

„Herre G'meindröt und werti G'meindversammlig! Soebe hät  
ma mer en schwere Vorwurf g'macht; aber i will Eu öppis säge.  
So lang d'Welt stoht, gilt der Spruch: Der Platz schändt nie  
d'Person, aber d'Person ehrt de Platz. Und wenn i au uf eme  
Misthuuse g'lege bi, so bin i doch der G'meind-Amma vo Most-  
linge gsy, der de G'meindrot, d'Bürgerschaft, und  
d'Ywohner under ehm g'ha hät. So ist's und so blybt's!“

Unterstützt! Yverstande! Recht hät er! hät's do vo alle  
Syte tönt, und si händ alli ihre Freud g'ha am Amma, und syn  
Gegner hät glueget, wo der Zimmermann 's Loch offe g'loh hät.

B. Stell.

### Im Wind

**Dr. Otto Nägeli** war Arzt in Ermatingen. Vater des im Jahre 1938 verstorbenen, berühmten Prof. Dr. med. O. Nägeli in Zürich.

Mundartwerke: D'Gangfischsegi, humor. Kulturbild 1898; Groppefasnacht und Seebluest, Gedichte. Verlag Huber & Co., Frauenfeld.

Gundle, Schiffli uf em See,  
s goht en scharfe Wind.  
D Welle sind voll wyße Schnee,  
dry und drüber gschwind!  
Schiffli, ohni Stür und Mast,  
zeig, wie schnell das Flüge chast.

s gaugglet wie e Wiegebett;  
alls würt pludernaß.  
Wenn ih nu en Segel hett,  
das wär erst en Gspaß!  
Abe n, ufe, hoch ebor,  
s chäm mer nie bei Tampfschiff vor.

Fischli, Fischli, hüt häscht Rueh,  
dFischer stöhnd am Land,  
lueged üsem Schiffli zue,  
ob mer haltid Stand.  
Nu kei Angst, mer fehred guet,  
s Schiff ist guet und mir händ

[Muet.

Welle git s wie Quaderblöck,  
d Rueder breched schier.  
Ganzi Gschaare n Alleböck  
warted mit Pläsier  
scho uf üsen Undergang.  
Alleböckli, plang no lang!

Wieder chunnt en wilde Ruus,  
dWelle sprützt an Grot.  
Ruehig schöpft me s Wasser us,  
Welle, du chunnst z spot!  
Um so rücher as es tuet,  
desto fester sitzt de Huet.

Nu noh sibe Chloster wyt  
simmer iezt vum Stad;  
meined ihr, s sei höchsti Zyt?  
Nu, so wüsset s gaad:  
Umkehrt würt und erst noh meh  
gfahren i dem Welleschnee.

Otto Nägeli.